

ХФР

1918-yil
21-iyundan chiqqan
boshlagan

№41, 2022-yil
12-oktabr,
chorshanba (32.735)

O'zbekiston OVOZI

Ijtimoiy-siyosiy gazeta

Barchaga g'amxo'rlik — davlatning burchi

ЎЗАРО МАНФААТЛИ ҲАМКОРЛИК КЕНГАЙТИРИЛАДИ

Ўзбекистон Республикаси Президенти Шавкат Мирзиёев 11 октябрь куни Татаристон Республикаси Президенти Рустам Минниханов бошчилигидаги делегацияни қабул қилди.

Учрашувда Татаристон билан амалий шерикликни кенгайтириш ва иқтисодиётнинг устувор тармоқларида қўшма инновацион лойиҳаларни илгари суриш масалалари кўриб чиқилди.

Етакчи корхона ва компаниялар ўртасидаги ўзаро манфаатли ҳамкорликнинг илк натижалари мамнуният билан қайд этилди.

Тошкент вилоятидаги "Чирчиқ" кимё-индустриал технопарки доирасида кооперация кўлами кенгайиб бормоқда. Хусусан, 16 та инвестиция лойиҳаси тайёрланмоқда ва амалга оширилмоқда.

Қабул қилинган "йўл харитаси"га мувофиқ, машина-созлик тармоғида, янги турдаги кимёвий маҳсулотлар ишлаб чиқариш борасида, кичик тоннажи кимё ва нефтни қайта ишлаш, аграр саноат, IT соҳаларида кооперацияни кучайтириш ва лойиҳаларни илгари суриш истиқболлари муҳокама қилинди.

Ўзбекистон ҳудудларида, шу жумладан, Жиззах ва Тошкент вилоятларида қўшма бизнес лойиҳаларини амалга оширишга алоҳида эътибор қаратилди.

Таълимга оид, техник ихтисосликлар бўйича кадрлар тайёрлаш ва малакасини ошириш борасидаги дастурларни амалга оширишга келишиб олинди.

Ў.А.

ЎЗБЕКИСТОН РЕСПУБЛИКАСИ ПРЕЗИДЕНТИ АМАЛИЙ ТАШРИФ БИЛАН ҚОЗОҒИСТОН РЕСПУБЛИКАСИДА БЎЛАДИ

Ўзбекистон Республикаси Президенти Шавкат Мирзиёев Қозоғистон Республикаси Президенти Қосим-Жомарт Тоқаевнинг таклифига биноан 12-14 октябрь кунлари Осиёда ҳамкорлик ва ишонч чоралари бўйича кенгаши ҳамда Мустақил Давлатлар Ҳамдўстлиги Давлат раҳбарлари кенгашининг навбатдаги мажлисларида иштирок этиш учун ташриф билан Қозоғистон пойтахти Остона шаҳрида бўлади.

13 октябрь куни бўлиб ўтадиган юқори даражадаги халқаро форум – Осиёда ҳамкорлик ва ишонч чоралари бўйича кенгаши саммитида қитъамизда хавфсизлик ва барқарор тараққиётни таъминлашнинг долзарб масалалари кўриб чиқилади.

14 октябрь кунига режалаштирилган МДҲ мамлакатлари етакчиларининг учрашувида кўп томонлама шерикликнинг энг муҳим жиҳатлари ва амалий ҳамкорликни кенгайтириш истиқболларини муҳокама қилиш кўзда тутилган.

Бўлажак тадбирларда алоҳида эътибор ўзаро савдони кўпайтириш ва саноат кооперацияси лойиҳаларини илгари суриш, самарали транспорт коммуникацияларини шакллантириш, озиқ-овқат хавфсизлигини таъминлаш ва иқлим ўзгаришига қарши курашиш масалаларига қаратилади.

Бундан ташқари, саммитлар доирасида Ўзбекистон Президенти ҳамкор мамлакатлар делегациялари раҳбарлари билан икки томонлама учрашувлар ва кўп томонлама музокаралар ўтказилади.

Ў.А.



ШАВКАТ МИРЗИЁЕВ: АҲОЛИ КАЙФИЯТИ – ИСЛОҲОТЛАРИМИЗ ВА СИЁСАТИМИЗНИНГ КЎЗГУСИ

Президент Шавкат Мирзиёев раислигида 11 октябрь куни маҳаллаларни обод қилиш ва аҳолини ўйлантираётган масалаларни ҳал этиш бўйича устувор вазифалар юзасидан видеоселектор йиғилиши ўтказилди.

Мамлакатимизда амалга оширилаётган барча ишлар, ижтимоий-иқтисодий лойиҳалар халқни рози қилишга қаратилган. Давлатимиз раҳбари ҳар доим "ислохотлар натижасини одамлар ўз ҳаётида, маҳалласида сезсин", деб талаб қўяди.

Шу мақсадда жорий йилги дастурлар доирасида 4 минг 100 та маҳаллани обод қилиш, 338 таси реконструкция қилиниб, соғлиқни сақлаш, сув, электр, канализация билан боғлиқ муаммоларни ҳал қилишга бюджетдан қарийб 29 триллион сўм маблағ ажратилди.

Бунинг эвазига 434 та маҳаллада ички йўللар таъмирланди. 672 та маҳаллага ичимлик суви тармоғи тортилди. 34 та янги мактаб барпо этилди, 338 таси реконструкция қилиниб, 360 таси таъмирланди, уларда қўшимча 78 минг нафар ўқувчи таълим олишига имконият яратилди. Шунингдек, 580 та трансформатор, 20 минг километр тармоқлар янгиланиб, 413 та маҳалладаги 1,5 миллион аҳолининг электр таъминоти яхшиланди.

Йиғилишда бундай ишларни тизимли давом эттириб, маҳаллалардаги долзарб масалаларни ҳал қилиш чоралари муҳокама қилинди.

– Ҳеч бир фуқаро ўзининг муаммолари билан ёлғиз қолмаслиги керак. Аҳоли кайфияти бу – ислохотларимиз ва сиёсатимизнинг кўзгуси. Каттами-кичикми, одамлар айтган ҳар бир муаммога ўз вақтида муносабат билдириш, уларни

босқичма-босқич ҳал қилиш барча даражадаги раҳбарларнинг энг устувор вазифаси бўлиши шарт, – деди Шавкат Мирзиёев.

Бугунги кунда юртимизда 9 минг 370 та маҳалла бор. Президентимиз топшириғига кўра, уларнинг ҳар бирига борилиб, аҳолини қийнаётган муаммолар рўйхати шакллантирилган.

Хусусан, йўл, ичимлик суви, сўғориш тизими, электр таъминоти, таълим ва тиббиёт билан боғлиқ 12 мингта масала кўтарилган.

Йиғилишда мазкур муаммолар ечимини ўз ичига олган аниқ вазифалар белгиланди.

4 минг 979 та маҳаллада режалаштирилган 5 минг 695 та қурилиш-таъмирлаш лойиҳалари учун "Обод қишлоқ" ва "Обод маҳалла" жамғармаларига 1 триллион 700 миллиард сўм йўналтирилиши айтилди. Эҳтиёжга қараб йил якунига қадар яна 1 триллион сўм ажратилади.

Маҳаллаларда турмуш шароитларини яхшилашда "Ташаббусли бюджет" лойиҳаси айна мудабо бўлмоқда. Жорий йил иккинчи ярмида бу лойиҳада 9 минг 201 та (98 фоиз) маҳалла иштирок этди. Овоз бериш якунларига кўра, 1 минг 221 та маҳалладаги 1 минг 418 та лойиҳа ғолиб деб топилди, улар учун жами 1 триллион сўм маблағ ўтказиб берилди.

Президентимиз аҳоли талабларини қаноатлантириш ва маҳаллаларни обод қилиш мақсадида "Ташаббусли бюджет" лойиҳасини янада кенгайтириш таклифини билдирди.

Давоми 2-бетда. ▶



Ўзбек полвонлари — ТЕНГСИЗ

Кечаги кун ўзбек спортидаги тарихий кунлардан бири бўлди. Дзюдо спорт тури тарихида биринчи марта Ўзбекистон терма жамоаси 2 та олтин медални қўлга киритди.

Биринчи марта Ўзбекистон дзюдо бўйича жаҳон чемпионатида мезбонлик қилмоқда.

90 килограммгача бўлган пол-

вонлар баҳсида 25 ёшли Давлат Бобонов тенгсиз, деб эътироф этилган бўлса, 22 ёшли полвонимиз Музаффарбек Туробоев 100 килограммгача бўлган полвонлар ўртасида зўрлигини амалда исботлади.

Самарқанд дзюдо мактаби тарбияланувчиси Бобонов курашларда дастлаб словакиялик Петер Зилькадан устун келган бўлса,

сўнг Жанубий Кореялик Жеу Оп Ханни иппон эвазига мағлуб этди. Чорак финалда эса болгариялик Ивайло Иванов ҳам иппон баҳоси билан таълим этилди. Мурасииз ўтган ярим финал баҳсида эса амалдаги олимпиада чемпиони грузиялик Лаша Беквурдан устун келган ўзбекистонлик дзюдочи финалга чиқиб, Кристиан Парлатини мағлубиятга учратди ва терма жамоамизга илк олтин медални тақдим этди.

Маълумот учун, Бобонов Токио-2020 олимпиадасида бронза медал, 2021 йил Будапештда ўтган дзюдо бўйича жаҳон чемпионатида кумуш медал, Бишкекдаги Осиё чемпионатида эса олтин медалга эга чиққан. Бобонов ҳозирча рейтингда 3-поғонани эгаллаб турибди.

22 ёшли сурхондарёлик Музаффарбек дастлаб америкалик Смитни, грузиялик Варлам Липертиани, канадалик Шади Эланс (дунё рейтингда 4-ўринда) ва ярим финалда нидерландиялик Майкл Коррел (дунё рейтингда 2-ўринда)ни мағлуб этди.

Ҳал қилувчи беллашувда Туробоев канадалик Кайл Рейесни мағлуб этиб, Ўзбекистон ҳисобига иккинчи олтин медални тақдим этди.

Маълумот ўрнида, Музаффарбек бу йил Париж катта дубулға турнирида бронза, 5-Ислон бирдамлиги ўйинларида олтин медални қўлга киритган эди.




Анвар Эминов

Адлия вазирлиги ҳузуридаги Ҳуқуқий
сиёсат тадқиқот институти ходими



"Конституциянинг бир қатор моддаларига фуқаролик жамияти институтлари фаолиятини давлат томонидан қўллаб-қувватлаш, ижтимоий-сиёсий жараёнларда аҳоли иштирокини кучайтиришга қаратилган янги қондалар киритилиши таклиф этилмоқда."





ДУНЁДАГИ ҲАММА ЯХШИ НАРСАЛАРНИ МЕҲНАТКАШ, КАМТАР, ЯНГИЛИК, ЯХШИЛИК УЧУН БОРИНИ БЕРАДИГАН ИНСОНЛАР, БУЮК ШАХСЛАР ЯРАТГАН. ҲАР ЙИЛИ ШУНДАЙ ОДАМЛАРДАН БИР ҚАНЧАСИ НОБЕЛЬ МУКОФОТИГА МУНОСИБ КЎРИЛАДИ. БУ ЙИЛ КИМЛАР?

ИНСОНИЯТГА БУЮК ХИЗМАТЛАРИ УЧУН

НОБЕЛЬ ТАРИХИ

Алфред Нобель 1833 йил 21 октябрда Швециянинг Стокгольм шаҳрида туғилган. Унинг номини тарих зарваракларида абадий қилган нарса эзиб қолдирган васиятидир.

1895 йил 27 ноябрда Нобель Париждаги Швеция — Норвегия клубида учинчи ва охириги васиятномасини имзолаган. Васиятнома унинг ўлимидан сўнг очилиб, ўқилганида, Швецияда ҳам, халқаро миқёсда ҳам кўплаб баҳс-мунозараларга сабаб бўлди. Чунки Нобель ўз бойлигининг катта қисмини мукофот таъсис этиш учун қолдирган эди. Нобель бутун мулкни "ўтган йил давомида инсониятга энг катта фойда келтирганларга мукофотлар" бериш учун ишлатилишини буюрган.

Унинг қолган барча реализация қилинадиган активларининг фоизлари бешта тенг қисмга бўлиниб, қуйидагича тақсимланади: физика, кимё, физиология ёки тиббиёт, адабиёт соҳасида идеалистик йўналишда энг ажойиб асар яратган шахсга ва халқлар ўртасидаги ҳамкорликни ривожлантириш, доимий қўшинларни бекор қилиш ёки қисқартириш, тинчлик конгрессларини ташкил этиш ва рағбатлантириш учун энг кўп ёки энг яхши ишларни қилган шахсга. Мукофотларни топширишда миллатига эътибор берилмаслигини, мукофот энг муносиб одамга берилишини васият қилган.

1901 йилдан 2022 йилгача Нобель мукофотини жами 954 шахс ва 27 ташкилот олган. Шундай қилиб, ҳар йили юқоридаги бешта соҳа вакилларидан энг муносиблари тақдирланади.

Бу йил мукофотни олганлар ҳам ўтган бир йилнинг энг яхшилари, деб эътироф этилди.



ТИНЧЛИК УЧУН

Беларуслик инсон ҳуқуқлари ҳимоячиси Алес Биалиатски, Россиянинг "Мемориал" ва Украинанинг "Фуқаролик эркинликлари маркази" инсон ҳуқуқлари ташкилотлари 2022 йилги тинчлик йўналишида Нобель мукофотига лойиқ топилди.

Тинчлик мукофоти лауреатлари ўз мамлакатларидаги фуқаролик жамияти вакиллари бўлиб, улар ҳар доим ҳокимиятни фуқароларнинг асосий ҳуқуқларини ҳимоя қилишга, уруш жиноятлари, инсон ҳуқуқларининг бузилиши ва ҳокимиятни суиистеъмол қилиш ҳолатларини ҳужжатлаштиришда катта саъй-ҳаракатлар қилади. Улар фуқаролик жамиятининг тинчлик ва демократия учун аҳамиятини намойиш этади.

ФИЗИОЛОГИЯ ЁКИ ТИББИЁТ БЎЙИЧА

Физиология ва тиббиёт бўйича Нобел мукофоти швед биологиди Сванте Паабгога топширилди. У йўқ бўлиб кетган гоминидлар геноми ва инсон эволюцияси соҳасидаги кашфиётлар учун лауреат бўлди.

Паабго Швеция Қироллик Фанлар академиясининг аъзоси, АҚШ Миллий фанлар академияси, Франция Фанлар академияси ва Лондон Қироллик жамиятининг хорижий аъзоси.



ФИЗИКА БЎЙИЧА

Ален Аспект, Жон Клаузер ва Антон Зайлингер квант механикасидаги ютуқлари учун физика бўйича Нобель мукофотини олди. Учлик "чигал фотонлар билан тажрибалар ўтказиш, Белл тенгсизлик теоремаси бузилишини аниқлаш ва квант ахборот фанига асос солгани" учун ғолиб бўлди.



АДАБИЁТ БЎЙИЧА

Француз ёзувчиси Анни Эрно 2022 йилги адабиёт бўйича Нобель мукофоти-га сазовор бўлди.

Ҳакамлар ҳайъати Эрнонинг "шахсий хотира илдизлари, бегоналашуви ва жамоавий чекловларини очиб берадиган жасорати ва идроки"ни ажратиб кўрсатди.



ЯНА НОБЕЛЬ ҲАҚИДА

Алфред ҳаётида адабиёт муҳим ўринни эгаллаган, катта кутубхонадаги йутуқлари учун физика бўйича Нобель мукофотини олди. Буюк ижодкорлардан илҳомланиб, ёшлигида инглиз тилида шеърлар битди. Умрининг охирида Немесис трагедиясини ёзди. Алфреднинг фикрлари одами чуккур мушоҳадага ундайди: "Қаноат - ягона бойлик", "Ростгўй одам одатда ёлгончи бўлади", "Умид - бу ҳақиқатнинг яланғочлигини яшириш учун табиатнинг пардаси"

Аҳмаджон ҚУРБОНОВ тайёрлади.

ЎЗХДП ҲАЁТИДАН



АЁЛЛАР СОҒЛИГИ – КЕЛАЖАК БОЙЛИГИ

ЎзХДП Фарғона шаҳар ҳамда Қувасой шаҳар кенгашлари ташаббуси билан "Янгиобод" МФЙ, "Янгибой", "Шакар қишлоқ" маҳалла фуқаролар йиғинларида "Соғлом аёл керак, ҳаётга" лойиҳаси доирасида "Аёллар дафтари"га киритилган хотин-қизлар ва уларнинг фарзандлари учун чуқурлаштирилган тиббий кўрик ўтказилди.

Унда кардиолог, окулист, невропатолог, хирург, УЗИ шифокори, аёллар ва болалар шифокори каби турли йўналишдаги тиббиёт мутахассислари жалб этилди. Кўрик жараёнида ҳудуд аҳолиси ўртасида, жумладан, "Аёллар дафтари", "Ёшлар дафтари"да турган хотин-қизлар ва фарзандларига соғлом турмуш тарзини кенг тарғиб қилиш, касалликларни бошланиш даврида аниқлаш ва даволаш чораларини кўриш, эрта туғуруқ ва болалар ўлимининг олдини олиш каби қатор масалалар юзасидан тушунтиришлар олиб борилди.

Кўриқда ўзгалар парваршига муҳтож бемор Дилшода Шералиева мутахассислар томонидан ўй шароитида тиббий кўриқдан ўтказилди ва бепул дори-дармон воситалари берилди.



КЕСАЛАР ҲАМИША ЭЪЗОЗДА

Ўзбекистон ХДП Андижон вилоят Пахтаобод туман Кенгаши депутатлари Х. Сотволдиев ва Т. Сўпиевлар тумандаги ёши улғур нуроний отахон ва онахонлар ҳолидан хабар олиб, йўқлов тадбирларини ўтказишди.

Кесалар билан учрашувлар вақтида уларнинг мавжуд муаммолари, саломатликлари билан қизиқишди.

Шунингдек, тадбир давомида депутатларимиз нуронийларга бугунги кунда мамлакатимизда олиб борилаётган слоҳотлар, Юртбошимиз томонидан кесаларга кўрсатилаётган катта эътибор, берилаётган имтиёз ва кўмаклар тўғрисида ҳам тушунчалар бериб ўтишди.



«СОҒЛОМ АЁЛ КЕРАК ҲАЁТГА»


Ўзбекистон ХДП Қўшқўпир туман кенгаши ва туман тиббиёт бирлашмаси Оила ва хотин-қизлар туман бўлими билан ҳамкорликда тумандаги "Айронқўл" маҳалласида яшовчи "Аёллар дафтари" ва "Ёшлар дафтари" га киритилган хотин-қизлар учун "Айронқўл" оилавий поликлиникасида "Соғлом аёл керак ҳаётга" лойиҳаси доирасида тиббий кўрик ташкил этилди.

Лойиҳада турли мутахассисларга эга тиббиёт ходимларидан иборат жамоа ёрдамида кун давомида 173 нафар хотин-қиз ва болалар бепул тиббий кўриқдан ўтказилди.

Касаллиги аниқланган 18 нафар аёл ва 12 нафар болага даволаниш учун тавсия ва йўлланмалар берилди.

Кўрик ХДП депутатлари томонидан ташкиллаштирилгани учун аҳоли халқ вакиллари ва тиббиёт ходимларига ўз миннатдорлигини билдирди.

Ўз мухбиримиз.



ИҚТИСОД БЎЙИЧА

Америкалик иқтисодчилар Бен Бернанке, Дуглас Даймонд ва Филип Дибиг иқтисод йўналишида Нобель мукофотини кўлга киритди. Улар банклар ва молиявий инқирозлар мавзусида тадқиқотлар ўтказган.

Тадқиқотлар молиявий инқирозларга қарши курашиш, иқтисодда банкларнинг ўрнини янада аниқроқ тушунишга ёрдам беради. Уларнинг тадқиқотида банклар инқирозга учрашига йўл қўймаслик жуда муҳим экани ҳақида сўз боради.



КИМЁ БЎЙИЧА

2022 йилги Нобель мукофоти америкалик Каролин Бертоцци ва Барри Шарплесс, шунингдек, даниялик Мортен Мелдалга молекуларни яратиш воситалари устида ишлагани учун берилди. Мукофот уларга "Клик кимёси ва биоортонал кимё усулларини ишлаб чиққанлиги учун" топширилган. Маълумот учун Шарплесс иккинчи бор Нобель мукофотига сазовор бўлди.

